

儋縣志卷之十八

雜志

事紀

書目

遺事

紀異

春秋紀二百四十餘年之異周易垂載鬼一車之文此後世祖台志怪千寶搜神義慶幽明敬叔異苑之所由倣也邑乘之有雜志記前時之遺事述一代之見聞怪怪奇奇要皆春秋示警易卦避凶之遺意故彙載之俾後之悔過修德而怪自弭矣

儋

縣

志

卷十八

雜志

序

首

瓊州海口海南書局代印

儋縣志卷十八

雜志一 事紀

漢

己武帝元鼎五年夏四月南越王相呂嘉反秋遣伏波將軍路博德出桂陽下湟水樓

船將軍楊僕出豫章下潯水咸會番禺六年十月遂定越地以為南海蒼梧鬱林

合浦交趾九真日南珠崖儋耳郡漢書武帝紀

未辛元封元年立儋耳珠崖郡在南方海中洲居廣袤可千里合十六縣戶二萬三千餘

漢書賈捐之傳

辰征和四年交趾蠻叛殺珠崖太守孫幸幸子豹討平之黃通志遣使封還印綬上書言

狀制詔即以豹為珠崖太守後漢書南蠻傳

亥昭帝始元五年夏六月罷儋耳郡并屬珠崖黃通志

巳宣帝甘露二年珠崖郡反夏四月遣護軍都尉張祿將兵擊之 漢書珠崖自初為

儋

縣志

卷十八

雜志 事紀

瓊州海口海南書局代印

郡吏卒皆中國人多侵陵之民亦自以阻絕數犯吏禁率數年一反殺吏漢輒發

兵擊定之至始元初二十餘年凡六反神雀三年珠崖三縣反至是九縣皆反同

甲元帝初元二年珠崖山南縣反發兵擊之諸縣更判連年不定上博謀羣臣待詔賈

捐之以為不當擊對言聖人起則後服中國衰則先畔本不足郡縣置也棄之不

足惜不擊不損威臣愚以為非冠帶之國禹貢所及春秋所治皆可且無以為願

遂棄珠崖對奏上以問丞相于定國以為捐之議是上迺從之阮通志

乙三年春詔棄珠崖郡詔曰珠崖虜殺吏民背畔為逆今廷議者或言可擊或言可守

或欲棄之其指各殊朕日夜維思議者之言羞威不行則欲誅之狐疑避難則守

屯田通乎時變則憂萬民夫萬民之饑餓與遠蠻之不討危孰大焉且宗廟之祭

凶年不備况乎辟不嫌之辱哉今關東大困倉庫空虛無以相贍又以動兵非特

勞民凶年隨之其罷珠崖郡民有慕義欲內屬便處之不欲勿疆黃通志

卯光武帝建武十九年復立珠崖縣屬合浦郡郝通志

甲明帝永平十七年二月西南夷哀牢僭耳諸種前後慕義貢獻後漢書明帝紀以僮尹為僭耳

太守郡志十八年以僭耳太守僮尹為交阯刺史黃通志

三國吳

戊子赤烏五年七月遣將軍聶友校尉陸凱以兵三萬討珠崖僭耳阮通志除友珠崖太守

凱僭耳太守斬獲有功效遷為丹陽太守凱遷為建武校尉黃通志

晉

丑武帝太康二年省珠崖郡入合浦郡郡志

宋

辛文帝元嘉八年春正月復立珠崖郡屬交州郡志

梁

武帝大同中就廢僭耳地立崖州郡志

陳

僭

縣

志

卷六

雜志 事紀

瓊州海口海南書局代印

壬宣帝大建四年南康王子方泰使持節都督廣衡交越成定明新合羅德宜黃利安

建石崖十九州諸軍事阮通志

隋

庚煬帝大業六年冬十二月珠崖人王萬昌舉兵作亂遣隴西太守韓洪討平之萬昌

弟仲通復叛又詔洪討平之黃通志

辛未七年徙嗣滕王綸於珠崖上

丁丑十三年漢陽太守馮盎以蒼梧高涼珠崖番禺地附於林士宏阮通志

唐

壬高祖武德五年行軍總管李靖度嶺至桂州遣人分道招撫其大首領隋漢陽太守

馮盎以南越之地來降析其地為高羅春白崖儋林振八州阮通志

辛卯太宗貞觀五年置瓊州郡志

丙午二十年春三月貶太子校書王義方為儋州吉安丞黃通志

庚天授元年春正月流同平章事韋方質於儋州時武承嗣三思用事宰相皆下之方

質有疾承嗣三思往問之方質據床不為禮或諫之方質曰死生有命安能曲事

近戚以求苟免乎尋為周興所構流儋州

黃通志

癸十四年夏五月貶左金吾衛大將軍李敬仲為儋州司戶冬十月貶韋保衡為崖州

澄邁令

丁中宗乾和十五年廢儋州之富羅縣萬安州之富雲博遠二縣

阮通志

宋

李崇矩為瓊崖儋萬四州都巡檢使時黎賊擾動崇矩悉抵其洞穴撫慰衆皆懷附

宋史本傳

丁紹聖四年二月甲辰蘇軾責授瓊州別駕移昌化軍安置

宋史哲宗紀

辛酉七年八月瓊郡各州縣颶風毀城門公署民舍殆盡

蕭志

元

儋

縣志

卷六

雜志 事紀

三

瓊州海口海南書局代印

丁二十四年八月湖廣省臣言海南瓊州路安撫使陳仲達南寧軍總管謝有奎延欄

總管符庇成以其師船百二十艘黎兵千七百人助征交阯詔仲達仍為安撫使

佩虎符有奎庇成亦仍為沿海管佩金符

世祖紀

辛丑二十一年知南寧軍曾悅家奴王薦觀據昌化自為元帥

明

戊太祖洪武元年六月海南海北諸道降

太祖紀

廖永忠為征南將軍由海道取廣東元

左丞何真奉降馳諭九真日南珠崖儋耳三十餘城皆納印請吏

阮通志

海南分府元帥陳乾富歸附帝下詔諭之曰蓋聞古昔哲王之治天下一視同仁無間

遠近况廣海之地自漢以來列為郡縣習禮樂之教有華夏之風頃元政不綱群

雄並起朕舉義除暴所向廓清邇者師臨南粵你諸州郡不煩傳檄相率來歸嚮

慕之誠良可嘉尙今遣使往諭意爾其益堅乃心以寧吾民爵賞之賜當有後命

黃通志

十一月耿天璧征海南克南寧儋萬等州與生黎化黎小踴洞王王官泰等戰敗之又
以恩信招諭各賊使降於是海南悉平上同

乙酉成祖永樂二年春巡按廣東監察御史汪俊民上言臣訪得宜倫縣熟黎峒首王延
祐舊奉命招諭黎民信從歸化者多况其服習水土不畏疾癘臣請追還使命仍
召延祐至京量授以官俾招諭未服黎人戒約諸峒無納逋逃其熟黎則令隨產
納稅一切徭役悉與蠲免生黎歸化者免其差稅三年峒首則量所招民數多少
授以職事如此庶幾黎民順服上從之秋八月蠲免瓊州府黎人徭稅黃通志

丙申十四年六月儋州土官同知王賢祐率生黎峒首王撤黎佛金等來貢馬賜鈔幣遣
還上謂行在禮部臣曰黎人遠處海南素不霑王化今慕義來歸而朝貢頻繁殆
將困乏非存撫之意自今生黎土官峒首俱三年一朝著為令黃通志

辛亥宣宗宣德六年儋州颶風大雨晝夜不止洪水漲溢溺死者衆蕭志
己丑憲宗成化五年十一月儋州地震定安大饑蕭志

儋縣志 卷六 雜志 事紀 四 瓊州海口海南書局代印

戊午十一年七月儋州星流有聲如雷戴通志

十一月初昏有星自西南流於西北聲如雷蕭志

庚申十三年春大旱秋大潦漂流民屋同上

辛酉十四年秋七月儋州賊符南蛇作亂總兵毛銳討平之郝通志

己丑八年六月初三日儋州大雨初四日巳時水漲城沒七尺軍民房屋財畜盡為漂流

死者無算蕭志

壬辰十一年七月十一日初昏儋州有星自東南流於西北聲如雷同上

癸巳十二年五月儋州五色雲見於砂鍋山蕭志

戊戌十七年七月儋州五色雲見於城西蕭志

己亥十八年有星隕於新屯村田中化為石蕭志

巳丑十七年八月儋州五色雲見於州南筆架山絢爛奪目形如龍馬鸞鳳經晝乃散

乙未二十三年儋州旱饑五月十八日地震經月不止六月二十三日大雨水漲入城漂

蕩民舍田禾

庚三十八年正月十五日申時儋州有大星紅色墜南方響如雷

清

崖州儋州臨高大旱饑自四月不雨至明年二月上俱同

乙十二年奉文裁併衛所儋州所併崖州所南山所併萬州所昌化所併清瀾所縣志

壬康熙元年遷沿海居民令徙內地五十里賑貧民之不能遷者縣志

甲三年裁教職各府州及大縣裁訓導小縣裁教諭縣志

以策論取士至康熙八年復用四書文

戊十二月復教職府州大縣復設訓導小縣復設教諭縣志

己十八年夏六月頒

聖諭十六條到粵每月朔望有司集紳士兵民端肅宣講

辛二十年瓊澄文儋臨感各州縣旱饑自五月不雨至明年二月斗米銀二兩

儋

縣志

卷六

雜志 事紀

五

瓊州海口海南書局代印

壬二十一年春二月饑大疫作

瓊山文昌儋州感恩各州縣饑疫並行死者載道巡道程憲知府修湘年詳請糶賑儋

州知州楊焜捐米賑濟俱同上

甲二十二年秋九月

御書萬世師表匾額頒懸學宮同上

冬十一月儋州大有年州志

乙二十四年夏六月瓊山澄邁儋州臨高颶風屢作城垣屋宇傾圮縣志

丁二十六年

命嗣後歲貢免赴京廷試縣志

戊二十七年詔養老七十以上許一丁侍養免其雜役八十以上者給絹一疋綿一劬

米一石肉十斤九十以上者倍之百歲者給建坊銀兩同上

丁三十六年

詔以本年歲貢作恩貢郝通志

庚辰三十九年頒

御製先師贊及四配贊於學宮同上

壬辰五十一年以宋儒朱熹升附十哲之次

癸巳五十二年特開

萬壽恩科鄉會試定於二月鄉試八月會試來年甲午仍行正科其武鄉會試亦一體舉

行

詔免廣東全省地丁錢糧并各年積欠造

盛世滋生戶口冊自五十年編審丁數定為常額續生人丁永不加賦俱同上

令文武鄉會願互試者聽之如不中式仍歸原冊不許再試郝通志

乙未五十四年以宋臣范仲淹從祀位在司馬光下

庚子五十九年春令直省武職許入

儋

縣志

卷六

雜志事紀

六

瓊州海口海南書局代印

文廟與文職一例行禮不論官職尊卑皆與焉俱同上

癸卯雍正元年特開

恩科於本年四月舉行鄉試九月舉行會試十月舉行殿試其癸卯甲辰正科改期於雍正

郝通志二年廣東廣額二十名

五月中命舉孝廉方正 恩賞老人年八十以上素為鄉里敬重者給與八品頂戴

榮身

上諭命加 文廟祭品改啓聖祠為崇聖祠追王

至聖先師五代

甲辰二年二月命建忠義孝弟祠及節孝祠

命各省學臣舉報生員優劣

九月巡撫年希堯奏稱瓊州府屬之瓊山澄邁文昌臨高會同樂會儋州昌化萬州陵

水崖州感恩皆海濱要地應遴選才識勝任之員保題從之

夏五月命追封 關帝祖父三代公爵春秋致祭郝通志

丙四年

御書生民未有匾額頒懸學宮郝通志

冬十月展會試期至三月

上以次年丁未會試之期遇閏二月大氣尙寒

特諭展至三月著爲例

丁未五年命直省舉行耕藉禮建立先農壇每歲仲春亥日恭祀 先農之神禮畢有

司躬耕九推以祈豐年重農事也

戊申六年命直省拔貢六年舉行一次

己丑三十四年瓊儋臨各屬歲歉米價昂貴蕭志

癸巳十三年三月儋州薄沙峒黎作亂知州○遊擊塔魯等討平之

丙申十六年三月雨雹

儋縣志 卷六 雜志 事紀 七

瓊州海口海南書局代印

秋嘉禾生瓊山儋州禾一莖生雙穗或三穗四穗者是歲晚稻豐登俱採訪冊

民國

辛亥年三月二十九日廣東革命未克成功越九月湖北起義各省響應而以廣東爲

最先蓋廣東爲革命策源之地所以有如是之速也瓊府劉觀察永滇奉省命令成

立軍政府吾儋蔣州主霖森(四川省人)奉省府光復命令通告全州(次年改州爲縣)

於雙十節官民一律薙髮州屬治安賴以維持

壬子年爲中華民國元年三月瓊府民政總長區金鑒派民政長來儋上任(民政總

長民政長係臨時府縣官名後民政總長照改爲道尹民政長改爲縣長) 舊任蔣

霖森交卸後解組還鄉頌德政者幾遍全儋紅緞匾聯指不勝屈而擇其聯之最親

切而有味者如王五市所贈之聯其文曰西蜀故鄉遙我輩何堪歸去日東坡遺愛

在先生不愧後來人(拔元陳有壯所作)觀此聯情感之深對於蔣公之仁愛一管

可以窺全豹矣新任陳天輔係日本法學士其接篆視事後凡署內積弊蠲除一切

頒布政令煥然一新所有行政賞罰分明而猶能以猛濟寬縣屬有門案數起不旬

日即和了解了結一載之餘急於教育故能學校林立嚴於治盜故能荻符歛迹甚至鄉間迷信凡牛欄鷄埘書貼陳天輔在此等字蓋借此以驚賊胆而辟邪氛雖屬無意識之舉動然亦可知其威信之昭著矣是年冬奉省軍政府命令召集選舉議參兩會越民國二年成立其規例全縣議事會議員二十名由議員互選議長二名參事會會員四名由縣長兼參事會會長之職

民國六年龍濟光統率振武軍（統名龍軍）駐瓊膺瓊崖礦務督辦之職其軍分駐儋縣者數百人然龍軍爲洪憲帝制之餘孽西軍沈鴻英黃明堂黃志桓等率軍伐之西軍初敗於光村次敗於新英港港內舖戶被焚燬者數百間損失之數不可計算末次西軍全部由廣西經北海渡瓊以儋之海頭港爲大本營龍軍駐紮王五馬井卽退回州城西軍沿途跟追至海口劇戰數日龍軍各軍官自知大勢已去各退歸香港西軍卽抵府城佈告安民並設法資送龍軍殘部過海儋民等受年餘之痛苦至此可告一結束蓋龍軍之所恃者槍砲之犀利而西軍之所恃者軍心之固結也民八九年間鄧本殷據瓊稱八屬總指揮初時亦軍民相安奈日久弊生苛捐雜稅紛

儋

縣志

卷六

雜志 事紀

八

瓊州海口海南書局代印

至沓來瓊民之受其敲吸者不一而足既感病苦鉅而且深地方遂起立民軍相與抵抗乃民軍缺乏訓練雖有小勝亦終歸失敗蓋無真正之軍事學識不足以言統軍也鄧軍雖大隊駐瓊然內部分裂東路民軍迭與之爲難所有分駐儋臨各軍均調回海口儋縣李縣長治因無兵保守乘夜潛逃遂致縣城無主人心惶惶而各村土匪等乘機借開水爲名如蟻附羶愈集愈衆竟於九年八月十八十九等日焚燬全城三千戶死亡七八百人其餘盡數逃散那大及府城雖迭向鄧軍請命復城然擁兵自衛忽然置之噫自漢唐以來所經營建築之名城一旦可憐焦土天數耶人事耶惟有付諸無可奈何而已乃未數年城民力謀恢復雖未能全復舊觀然近年以來正街之敷設馬路修建騎樓生意繁盛較前過之破壞之後有此建設亦可見民智進步之一斑也

按民國九年十一月以前係瓊崖道尹李根源任先于六七月間民軍蜂起與官軍抵抗李根源于八月間赴省告急郡城空虛因調駐防儋城統領蔡炳寰駐郡儋縣縣長李治因無兵守城亦於是時離任來郡儋縣城既無縣長又無駐

防軍隊致有民九八月十八日土匪借名開水焚燬全城之禍若鄧本殷則民九舊十二月始抵瓊崖善後處任至八屬聯軍總指揮則民十二三年所加之銜頭所紀謂鄧本殷於八九年据瓊爲八屬總指揮悞瓊林

民國十二年鄧軍駐吾儂者以馬井新英最被蹂躪盧連長進朝駐防新英港其部下竄殺港內婦人衆怒而殪之全部藏怒屢謀報復港民知之因抵制而生冲突盧連長卽僞報營部調各連圍攻新英焚燬數百家死亡亦衆及陳旅長鳳起乘兵輪至馬井復派兵焚屋外並令黃營長玉書購線入南岸村緝獲男婦三十人除留婦人二口罰款外所有二十八人均行槍決冤哉黃營長欲於虎口求數生命然旅長生性殘忍集而殲之所謂線工及其親屬亦不得其死嗟嗟吾民何辜羅此荼毒吾國之軍閥如此如此曷勝浩歎

民國二十一二三年警衛獨立旅陳旅長漢光兼撫黎專員初至瓊府次日卽出發東路自誓三閱月決然肅清共匪果能言符其實至赤氛甫靖卽專理黎務單舉其辦西路一帶之概況而言之儂屬昌文里飛霸村因公路案殺斃鄧排長西坊富可等

儂

縣志

卷六

雜志 事紀

九

瓊州海口海南書局代印

村因劫殺案拒捕殺害縣兵兇惡之性全本悛改漢光親率大軍剿辦三村之後卽行安撫恩威並用黎民懷之開闢公路約數百里(另有表附地輿公路門)尤能注意教育村無遐邇必親履其地開會演說必求黎民認識而後己其勸學方法凡黎村之百數十家者卽立一小學校其小者則合二三村設立並招考黎校教師訓練分派黎村所成立數十校開辦費及書籍校具按學生之多寡而酌給之興學之心蓋無微不至矣又能抽選黎民至府城訓練軍事及保衛地方學識兼設一觀光團雇輪船裝載黎民男女四百餘名運往省城參觀各學校各工廠各名勝俾將耳目之實驗返里時勸告全體黎民以興其觀感之念而布疋針線毛巾絨絲爲婦女所需用者則尤分給普通所有黎民之感戴旅長者愛之如父母望之如神明蓋其撫之也備至故其化之者益深現下撫黎政策已具規模惟事已開始全望力圖厥終易曰久道化成是在上峯積極策勵庶幾狃獯永進於文明也續志新採訪

(附記陳旅長征黎一律)

其一

赤氛甫靖又征黎十里旌旂映日低百戰河山悲浩劫滿途煙雨感淒迷並無絕徑
聞人語猶有香風襯馬蹄澤及遺民千載事子才應許姓名齊

其二

數間茅屋近郊居編竹爲墻戶自卑地老天荒忘歲月家亡國破忍酣嬉魁梧好鬥
奇男子畫面含羞好女兒何事山中長寂寞不隨時勢共推移新採訪

德慶里近百年來關於政治之興革地方之治亂自滿清中葉道光以還畧述其梗概
於后

紅家黨之潛滋道光末年洪秀全起義覆清反清復明之呼聲幾普遍於民間咸豐初
漸次傳入儋縣內地衍流而爲金蘭會德慶里海頭白沙等處卽當日屢常秘密集
會地點之一也會中頭目等級分大哥二哥三哥金花先生等名會友不下數千人
以誠愛正義互相號召凡加入會者共生死同患難禁止狎淫妻女竊劫等事自造
秘號隱語以相暗示不爲會外人道識組織森嚴衆皆懼服當地安海（卽海頭）巡
檢司亦莫敢犯開會祀五祖僉云有明五名臣然對於清吏如安海巡檢司薄沙巡

儋

縣志

卷十八

雜志 事紀

十

瓊州海口海南書局代印

檢司從未干犯終鮮政治行動上之價值惟支配社會羣衆之力量甚爲活躍金蘭
會之存在亦有緣因迨至民國成立始告解體

安海巡檢司之吏績稽瓊州府志儋州安海（卽海頭）巡司之名早見於明代洪武間
派設弓兵十餘名以資防寇沿至清季裁歸薄沙巡檢管轄按清明巡檢司殆與今
日公安局同階級惟民事執行權優越之當時職司者皆注重禮義廉恥祇求
與民相安無事卽爲稱職然水懦民玩盜賊反熾曾有明火盜劫薄沙司公署者巡
檢司之吏績在清遺老印象中純爲和平雍熙云

軍匪之擾亂清之季世本里盜匪猖獗海盜尤甚迨民國成立之初強者乘時蜂起倡
起民軍號召地方因而佔據地盤殘民以逞或官軍勦匪或匪劫民軍兵燹頻仍擾
無寧日如民國十年本縣縣長吳卓峰率師船三艘來港口鎮圍攻吳川海盜百餘
衆匪徒潰散十一年港口鎮民聯攻民軍李芳李縱燒民房二百餘間民軍死者亦
衆十五年鄧軍（統名八屬軍）連長韓江魁誘擊民軍首領馬家璧於港口鎮轉戰
十數里馬中彈死於昌江海頭一帶年來蒙禍之大實前所未之聞也韓後被擊死

於澄邁

吏治機關之變更及劣蹟 德慶里自民國十一年始有警察分所之設初任爲本里人吳邦哲與民休戚相關故能平靜無事嗣任陳澤香（潮府人）陳縱橫於反革命勢力之下律無專條法隨口出會與連長韓江魁狼狽於海頭凡歷五載勢燄所及播至本縣西南各里及昌江縣屬到處捉人罰款苛征百出鷄零狗碎閭里爲墟社會生機殆奄奄欲絕誠本里吏治空前所未有之慘象也迄革命軍渡瓊陳韓相繼逃亡十八年裁警察分所改立自治區兼設公安分局前此之吏治如此腐敗切望將來有以整頓之庶幾民受其福也

民十八年八九月間風雨大作縣署廊房崩漏陳劍虹縣長移縣署於舊城關岳廟及陳卸任張軍縣長接事十九年仍駐舊城二十年洗維祺縣長移回新縣治廿一廿二廿三廿四數年曾友文彭元藻兩縣長照駐新縣

清季光緒年間本縣舉人唐丙章掌教瓊臺書院適督學惲彥彬典試來瓊由海口上郡城在肩輿內望見馮氏貞節牌坊殊爲簡陋兩旁石柱鑿有一聯其文曰夫面未

儋

縣志

卷六

雜志 事紀

十一

瓊州海口海南書局代印

謀堅貞自守皇恩乍受名節雙高督學稱爲奇節特捐廉將坊改建其規模堂皇坊石堅固觀察馮公請唐作聯表之其文曰只憑一縷因緣肯把此身填恨海盼到九重旌表何曾今日負貞魂坊在瓊海車路之左又下田邱公祠聯云人與五指山共有千古地是二公里此第一家今人見之每駐足凝思唸誦不置文字之感人蓋甚深也

雜志一 書目

木板大本十三經注疏一部

木板大本四史一部

以上二部前清頒存儒學署久佚

通鑑紀事本末一部 共八十四本係廣東制軍張之洞於光緒十八年頒發

資治通鑑一部 共乙百本

經世文正編一部 共二十四本

二十四史一部 共式百本

經世文續編一部 共三十本

廣東通志一部 共乙百二十本

皇清經解一部 共三百六十本

皇朝通典一部 共四十本

經解續編一部 共三十二本

續通典一部 共四十本

十三經注疏一部 共乙百二十本

皇朝通考一部 共三十二本

御纂注疏一部 共乙百二十本

續資治通鑑 共六十本

古文辭類纂一部 共二十四本

瀛環志略一部 共六本

歷代帝王表 共四本

儋

縣志

卷六

雜志 書目

十二

瓊州海口海南書局代印

泰西新史一部 共八本

曾文正公全集一部

以上各書係光緒二十七年知州王之翰購送經濟書院以備參攷者民九之難或焚或佚俱不可知

雜志二 遺事

東坡在儋耳葛延之自江陰往見嘗以親製龜冠為獻坡愛之而贈以詩云南海神龜三千歲兆叶朋從生愛喜智能周物不周身未免人鑽七十二誰能用汝作小冠响

樓耳孫創其製今君此去寧復來欲慰相思時整視詩話

春夢婆家居儋城之東年七十餘常負大瓢行田野間口歌哨遍方饑食遇蘇文忠公

曰世事何如婆荅曰世事只如春夢耳公復曰何如婆曰翰林昔日富貴一場春夢耳公曰然因號為春夢婆公有詩曰投梳喜有東鄰女換扇還逢春夢婆黃通志

蘇軾與轍相別渡海既登舟謂曰豈所謂道不行乘桴浮於海者邪及謫儋寓臨銘其

端石硯曰與墨為入玉靈之食與水為出陰鑑之液誌矣茲石君子之側匪以玩物

惟以觀德同三

東坡云予來儋耳得大狗曰烏喙甚猛而馴隨余遷合浦過澄邁泖而濟路人皆驚戲

作詩曰烏喙本海葵幸我為之主食餘已瓠肥終不憂鼎俎畫馴識賓客夜悍為門

儋

縣志

卷六

雜志 遺事

三

瓊州海口海南書局代印

戶知我當北還掉尾喜欲舞跳踐趁僮僕吐舌喘汗雨長橋不肯躡徑度清深浦拍浮似鸚鵡登岸劇虓虎盜肉亦小疵鞭箠當賞汝再拜謝恩厚天不遺言語何當寄家書黃耳定乃祖阮通志

舊志東坡移廉州以茶孟惠許君瑤且囑曰無以為清風明月之贈孟聊見意耳後為

折樞密所得有詩謝許云東坡遺物來歸我兩手摩挲思不窮舉取吾家阿堵物愧

無青玉案酬公黃通志

朱子語錄東坡晚年文雄健不衰然亦疏魯問峻靈王廟碑無見識伏波廟記亦無意

想伏波當時蹤跡在廣西不在彼記中全無發明先生曰不可以道理看他然二碑

筆特健勁同上

東坡在儋耳日過黎子雲遇雨從農家借籬笠戴之著屐而行婦人小兒相隨爭笑籬

犬羣吠竹坡周少隱紫芝宜城人詩云持節休誇海上蘇前身便是牧羊奴應嫌朱紱當

年夢故作黃冠一笑娛遺跡與公歸海外清風為我襲庭隅憑誰喚起王摩詰畫作

東坡戴笠圖蕭志

洪覺範至儋耳嘗謁姜唐佐唐佐他出見其母母迎笑食以檳榔覺範問母識蘇公否
母曰識之然無奈其好吟詩公嘗杖而來指西木榻自坐其上問曰秀才何往我言
入村落未還有包燈心紙公以手展開書滿紙矚曰秀才歸當示之今尙在覺範索
讀之醉墨欹傾曰張睢陽生猶罵賊嚼齒空齟齬平原死不忘君握拳透爪

丹陽葛延之自江陰來見東坡於儋公誨以作文之法曰儋州雖數百里之聚州人所
須取諸市而足然不可徒得也必有一物以攝之然後爲己用所謂一物者錢是也
作文亦然天下之事散見經子史中不可倖得必得一物以攝之然後爲己用所謂
一物者意是也不得錢不可以取物不得意不可以明事此作文之要也延之拜其
言而書紳

東坡在海外語其子過曰我決不爲海外人近日頗覺有還中州氣象乃滌硯焚香寫
平生所作八賦當不脫誤一字以下之寫畢大喜曰吾歸無疑矣後數日廉州之命
至

東坡自儋耳北歸臨行以詩留別黎子雲秀才云我本儋耳人寄生西蜀州忽然跨海

儋

縣志

卷六

雜志 選舉

十四

瓊州海口海南書局代印

去譬如事遠遊平生生死夢三者無劣優知君無再見欲去且少留後批云新釀甚
佳求一具理臨行寫此以折菜錢俱同上

儋耳城東郡守陳適創堅白堂後李光更名爲無倦齋其詩曰已許傾壺就綺羅只因
風雨暫經過不辭美酒十分勸欲聽佳人一曲歌亭上安觀摩勒果池中難惜右軍
鵝使君獨寢空歸去被冷風清奈若何

知軍黃嗣建籌邊亭於儋耳城東賦詩曰誅茅壘石結新亭退食籌邊答聖明海外時
康民訟簡同官莫惜更論兵聲調沉雄地可因詩重矣俱同上

東坡年六十二以宋紹聖四年丁丑六月十一日與其弟子由相別渡海七月二日至
儋六十五歲元符三年庚戌六月二十日渡海北歸行至眞州瘴毒大作病暴中下
止於常州六月丁亥卒次年又六月墓於汝州統計蘇公居儋前後凡四年續志

雜志四 紀異

勞將軍廟去儋城東六十里許祀屋久廢只隙地在焉凡新官到任必先此設祭祀典不載其名爵父老相傳云此神乃馬伏波部下先鋒將方凱旋時牽馬飲於河馬忽觀水中影雙蹄奮起傷其陰而死遂為神余任時曾以中例祀祀畢父老喜告曰任內當大吉未逾年新守至亦以中例祀眾咸驚報曰祭器無故自裂於案任內當不吉後歲餘守卒此神亦靈驗矣哉海槎餘錄

儋耳城舊在儋州高麻都南灘浦漢樓船將軍楊僕所築城瀕海每多水患一夕風雨交作有一婦人驅鬼工持杵插為築作聲聞至旦而城移今所矣疑為誠敬洗夫人也

萬歷三十八年儋州南頭營山有大石自山頂徐行而下跡如古道
萬歷三十九年南灘浦港內一石浮水面人聚觀之良久復沉俱同上
本縣自清同治癸亥歲至民國丁卯歲六十五年災異紀實

儋

縣

志

卷六

雜志 紀異

十五

瓊州海口海南書局代印

清同治二年癸亥歲發生一種縮症患者耳鼻手足男下體女兩乳某一部分忽然抽動縮短不省人事瀕多人鳴鑼擊鼓為拉住而以薑湯灌之立愈亦奇症也

三年甲子歲病染吐瀉傷者頗眾

五年丙寅二月初十日雨雹三月二十三日地震約五分鐘

光緒八年壬午二月鼠疫流行

九年癸未五月十三晚有大彗星出於東方

十四年戊子三月二十夜有大星落其聲甚响

全年九月瘟疫流行

十五年己丑正月二十八日雨雹五月初五日大雨雷擊聖廟大成殿數日後王雲清報捷南宮人謂為天開文運

十六年庚寅閏二月二十日寅時地震

全年七月十五日地震

十七年辛亥七月十六日未時大風驟起雲勢如奔瀆曳黑雲一條在雲中蠕蠕動或

屈或伸或上或下聲若濤來自北面南噓氣兩道如白煙捲石折木崩坍房屋俗云龍過天詢之科學家則以爲非龍乃風電之相搏擊故倏來倏去渺無留跡兩說姑留之以俟研究家

十八年壬辰六月初四夜彗星見光芒四射

十九年癸巳二月初二夜地震

二十二年丙申四月十七日雨雹甚大略傷禾稼

二十三年丁酉五月初九日龍過天雨小雹

全年五月初十夜大星落

二十四年戊戌六月初十一十二大雨三日夜水入州城數過大街間有溺斃者

二十五年己亥二月二十八夜天發紅光約一點半鐘方熄

二十六年庚子四月十九日雨雹

二十七年辛丑三月彗星出西方光如白煙上升甚長

二十八年壬寅大旱米價高漲斗米壹千六百文昔年用度如此錢價已屬萬難今日

儋

縣志

卷十八

雜志 紀異

十六

瓊州海口海南書局代印

生活尤爲騰貴增至二三倍

二十九年癸卯荒旱全縣竹林皆結實 俗名生竹米

三十年甲辰飢荒尤甚二三月間各處均採竹米販賣購者亦衆

全年九月間野鼠咬墜禾穗間有穀生雙米者

三十二年丙午四月鼠疫盛行

三十三年丁未歲六月十八夜小彗星出於東方

宣統元年己酉鷄頭部身部多生虫害之

二年庚戌三月十四夜大彗星出於東方

全年四月初九夜西方彗星白光甚長

民國二年癸丑四月二十五日未時龍見於南方

全年八月初二夜彗星見二十六日辰時地震

四年乙卯三月鼠疫流行

六年丁巳十月十二日初更大星落由南過北光芒四射聲震數响

十年辛酉歲六月二十一日颶風大作其勢亦似龍過天崩塌鹽場村房屋甚多
十二年癸亥七八月間旱禾苗盡枯除水田少收成外餘田均未登稼

十四年三月間在樂賀村近野有一龐大之獸全身毛褐色村人見之駭甚即返村邀
集數十人各執槍鏢迫而近之吼然一聲人皆奔避有頃開槍射擊獸如不聞由臥
而起其聲如笑直向人叢中衝來村人黃奴斗胆力過人有冒險性獨持鏢向前刺
獸奈力不獸敵反被獸爪傷手部幸同村符同啓急難往救餘亦槍擊獸中數彈而
殪後審視獸之面部及胸部兩乳下部生殖器皆與人同惟嘴部似猪其手足甲鈎
如鸚哥嘴之利而硬胸下有白毛一條如帶頸有白毛一圈如巾各部毛色皆黑而
靚書所稱猩猩者即此物也吾儋素無此物此獸之來也亦奇矣哉

十六年丁卯歲八月二十四日大風雨損壞禾稼甚多

儋

縣

志

卷六

雜志 紀異

十七

瓊州海口海南書局代印

儋縣志

人物
雜誌

卷十七

七六

校誤表

人物卷十六

篇

四

七

十三

人物卷十七

十三

雜誌卷十八

十四

頁

陰

陽

陰

陽

陰

行

十三

一

十二

五

十

字

二十七

十一

十八
漏歲字

十八

十五

誤

公

縮

寶

墓

正

莊

繪

實

葬